



# КУЧ — АДОЛАТДА

27p

2013 йил  
15 март,  
жума  
№ 11 (420)

Ўзбекистон Республикаси Олий судининг ҳуқуқий газетаси

http://www.oliysud.uz

1998 йил 29 августдан чиқа бошлаган.

## ЯНГИЛАНИШ, ЯРАТУВЧАНЛИК, ОБОДЛИК АЙЁМИ

Кўклам либосига бурканаётган қир-адирларда баҳор элчилари — бойчечаклар гуллади. Ҳадемай осмонда арқон солиб турналар учади. Булар биз интиқ кутган ардоқли байрамимиз Наврўзи олам кириб келаётганидан дарақдир.

Бу айём нафақат оламга, балки руҳимизга ҳам янгиланиш олиб киради. Дарахт новдаларига тириклик суви юргани мисол кўзларимизга нур, қалбларимизга сурур, билақларимизга куч, юракларимизга муҳаббат инади. Айнан Наврўз фаслида табиатнинг бир бўлаги эканимизни янада теран англаймиз. Шу юрт фарзанди эканимиздан, халқимизга хос қадрият ва анъаналар нечоғли боқий ва сермазмун, миллий маданиятимиз нақадар бой эканидан гурур ва ифтихорга тўлаимиз. Ватан тараққиётига муносиб ҳисса қўшиш нечоғли яшаётган халқимиз "Хуш келибсан ўлкамизга, Наврўзи олам, қадамнинг қутлағ бўлсин, юртимиздаги тинчлик-омонликка кўз тегмасин!" деб Наврўзга пешвоз чиқмоқда.



Наврўз — меҳр-оқибат, одамийлик, хайр-мурувват айёми. Халқимизнинг қон-қонига сингиб кетган бундай эзгу фазилатлар барча анъана ва удумларимизда, марака ва маросимларимизда, айниқса, Наврўз фалсафасида янада теран намоён бўлади. Маҳалла-кўй, эл-юрт ҳамжихатликда ҳашарга отланади. Ариқ-зовурлар тозаланади. Ҳаммаёқ — кўча ва гузарлар, зиёратгоҳ ва қабристонлар тартибга келтирилади. Илдизлари миллий маънавиятимизнинг кўҳна сарчашмаларига туташ ҳашар кунинда кенг миқёсдаги ободонлаштириш, кўкаламзорлаштириш юмушлари бажарилади. Наврўз кунларида эл-улус бир бўлиб кўмакка муҳтож кишиларга беминнат ёрдам беради. Беморлардан хол-ахвол сўралади.

Табаррук кексаларнинг дуоси олинади. Гина-кудуратлар унутилиб, биродарлик ришталари мустаҳкамланади. Кўни-кўшиллар бир-бирларига Наврўзнинг тансиқ таомларини илинадилар.

Президентимизнинг "Юксак маънавият — енгилмас куч" асарида таъкидланганидек, бу байрам биз учун ҳаёт абадийлиги, табиатнинг устувор қудрати ва чексиз саховатининг, кўп мингйиллик миллий қиёфамиз, олижаноб урф-одатларимизнинг бетакрор ифодасидир. Шунинг учун Наврўз юртимиздаги ҳар бир шаҳар ва қишлоқ, маҳалла ва хонадонда кенг нишонланади. Бу тадбирларда халқимизга хос бағрикенглик, меҳр-мурувват фазилатлари, миллий урф-одат ва анъана-

лар яққол намоён бўлади.


Энг қадимий, асл миллий айём — Наврўзи оламнинг умуминсоний тамаддуни ривожига қўшган ҳиссаси улкан ва бекиёсдир. Шу боис ҳам, Бирлашган Миллатлар ташкилати 2010 йилдан бошлаб бу байрамни Халқаро Наврўз кунини, деб эътироф этди. Бу барчамизга чексиз гурур ва ифтихор бағишлаши табиий.

Мамлакатимиз бўйлаб байрамни юқори савияда ўтказиш юзасидан зарур чора-тадбирлар амалга оширилмоқда. Туман ва шаҳарлардаги халқ сайиллари ўтадиган масканлар, бог ва хибонларда кенг кўламли ободонлаштириш, кўкаламзорлаштириш ишлари олиб борилмоқда.

(Давоми иккинчи бетда)

## Ўзбекистонда ҳақиқий баҳор тафтини сездик

Мамлакатимизда Наврўз байрамини кўтаринки руҳда нишонлаш учун қизгин тараддув кўрилмоқда. Шу кунларда янада кўркам тус олган пойтахтимиз кўчаларида тури мамлакатлардан келган кўплаб сайёҳларни учратиш мумкин. Ўзбекистон Миллий ахборот агентлиги - ЎЗА мухбири улардан айримлари билан суҳбатда бўлди.



— Ўзбекистонга илгари ҳам келганман, бу сафар уни таниб-билмай қолдим, — дейди латвиялик Иварс Озолс. — Бекиёс ўзгаришлар нафақат шаҳар-қишлоқлар қиёфаси-

да, балки аҳоли фаровонлиги ошиб, барча соҳалар изчил ривожланаётганида ҳам яққол кўзга ташланади.

(Давоми учинчи бетда)

Qonun ko'magi

## Тадбиркорлик ривожини

иқтисодиётимиз барқарорлиги омили

Мамлакатимизда кичик бизнес ва хусусий тадбиркорлик субъектлари манфаатлари изчил таъминланаётгани иқтисодиётимизнинг юқори суръатларда ривожланишини таъминламоқда. Бунда, айниқса, кейинги лайдда соҳа вакилларига қўлай шарт-шароит яратиш мақсадида қабул қилинган қонун ҳужжатларининг аҳамияти катта бўлди.

(Давоми иккинчи бетда)



Мамлакатимиз суд-ҳуқуқ тизимида изчилик билан босқичма-босқич олиб борилаётган ислохотлар самараси ўлароқ, Бош қомусимизда қафолатланган инсон ҳуқуқлари, унинг ҳаёти — олий қадрият эканлиги амалда ўз тасдиғини топмоқда. Фуқароларнинг қонуний ҳуқуқ ва манфаатлари устуворлигига эришишда уларнинг ҳимояга бўлган ҳуқуқлари тобора кенгаймоқда.

Islohot va samara

## Фуқаролар ҳуқуқ ва манфаатлари

доимо устувор ва қонун ҳимоясида

Маълумки, одил судловни таъминлаш ваколати мустақил суд ҳокимиятининг асосий вазифаси ҳисобланади. Шундан келиб чиқиб айтиш мумкинки, Олий суд Пленумининг 2003 йил 19 декабрдаги "Гумон қилинувчи ва айбланувчини

ҳимоя ҳуқуқи билан таъминлашга оид қонунларни қўллаш бўйича суд амалиёти тўғрисида"ги қарориди ҳимоя ҳуқуқи судлов ишларини юритишнинг барча босқичларида таъминлашни шартлиги қайд этилган.

(Давоми иккинчи бетда)

Юртимизда барча соҳалар қатори аудиторлик фаолиятини ислоҳ қилиш ва ривожлантиришга алоҳида эътибор қаратиб келинмоқда. Муҳими, бу соҳанинг ҳуқуқий асосларини мустаҳкамлаш мақсадида қабул қилинган "Аудиторлик фаолияти тўғрисида"ги қонун бу борада ислохотларни самарали амалга оширишда асосий мезон бўлиб келмоқда. Пировард натижада эса, юртимизда аудиторлик фаолияти ривожланиб, кўрсатилаётган хизматлар кўлами кенгайиб бормоқда.

Qonun ijodkorligi

## Аудиторлик фаолияти

бу борадаги ҳуқуқий асослар янада такомиллаштирилмоқда

Яқинда Олий Мажлис Қонунчилик палатаси муҳокамасига киритилган "Аудиторлик фаолияти тўғрисида"ги Ўзбекистон Республикаси қонунига ўзгартиш ва қўшимчалар киритиш ҳақида"ги қонун лойиҳаси бу борадаги ҳуқуқий асосларни янада такомиллаштиришга хизмат қилиши билан муҳим аҳамиятга эга.

Маълумки, Президентимизнинг 2010 йил 26 ноябрдаги "2011-2015 йилларда республика молия-банк тизимини янада ислоҳ қилиш ва барқарорлигини ошириш ҳамда юқори халқаро рейтинг кўрсаткичларига эришишнинг устувор йўналишлари тўғрисида"ги қарори, 2011 йил 14 январдаги "Мамлакатимизда демократик ислохотларни янада чуқурлаштириш ва фуқаролик жамиятини ривожлантириш

концепциясининг устувор йўналишларини демократик бозор ислохотларини чуқурлаштириш ва иқтисодиётни либераллаштириш соҳасида амалга ошириш бўйича чора-тадбирлар тўғрисида"ги фармойиши ҳамда 2012 йил 10 майдаги "2012-2016 йилларда Ўзбекистон Республикасида хизмат кўрсатиш соҳасини ривожлантириш дастури тўғрисида"ги қарориди соҳани ҳуқуқий жиҳатдан янада такомиллаштириш борасида қатор муҳим вазифалар белгилаб берилган. Мазкур ҳужжатлар талабларидан келиб чиқиб "Аудиторлик фаолияти тўғрисида"ги Ўзбекистон Республикаси Қонунига ўзгартиш ва қўшимчалар киритиш ҳақида"ги қонун лойиҳаси ишлаб чиқилди.

(Давоми учинчи бетда)

Mezon

## Ахлоқ тузатиш ишлари

шаҳс ҳаётда яна ўз ўрнини топишида муҳим аҳамият касб этади

Мамлакатимизда инсон ҳуқуқ ва манфаатларини ҳимоя қилишнинг самарали тизими жорий этилган.

Суд томонидан айбдор деб топилган шахсга жазо тайинлашдан асосий мақсад маъмуни ахлоқан қайта тарбиялаш, жиний фаолиятга чек қўйиш ҳамда жиний қилмиш натижасида етказилган зарарни

бартараф этишдан иборат-топилган шахсга жазо тайинлашдан асосий мақсад маъмуни ахлоқан қайта тарбиялаш, жиний фаолиятга чек қўйиш ҳамда жиний қилмиш натижасида етказилган зарарни

(Давоми иккинчи бетда)

Inson va tabiat

## Наботот олами

уни асраб-авайлаш ҳар бир фуқаронинг конституциявий бурчи ва мажбуриятидир

Мамлакатимизда атроф-муҳитни муҳофаза қилиш, табиий ресурслардан оқилона фойдаланиш борасида салмоқли ишлар амалга оширилмоқда. "Табиатни муҳофаза қилиш тўғрисида"ги қонун ва бошқа ўнлаб меъёрий ҳужжатлар қабул қилинган юртимизда экологик барқарорликни сақлаш, минтақавий ва глобал экологик муаммоларнинг салбий таъсирларини камайитириш, табиий ресурслардан фойдаланишни тартибга солишда муҳим ҳуқуқий асос бўлиб хизмат қилмоқда.

(Давоми тўртинчи бетда)







